



Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 06-11-1745-16-3/21
Sarajevo, 08.04.2022. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik Bosne i Hercegovine", broj 39/14), člana 8. stav (2) tačka d) Pravilnika o uspostavljanju i radu komisije za nabavke ("Službeni glasnik Bosne i Hercegovine", broj 103/14) na Preporuku Komisije za nabavku, broj: 06-11-1745-14-3/21 od 05.04.2022. godine, u postupku javne nabavke roba: "Vatrogasna oprema" za LOT 3 - Vatrogasne potisne cijevi i vatrogasne mlaznice, direktor Kantonalne uprave civilne zaštite Kantona Sarajevo, d o n o s i

ODLUKU
o izboru najpovoljnijeg ponuđača
u postupku javne nabavke roba: "Vatrogasna oprema" za
LOT 3 - VATROGASNE POTISNE CIJEVI I VATROGASNE MLAZNICE

Član 1.

Prihvata se Preporuka Komisije za nabavku, broj: 06-11-1745-14-3/21 od 30.03.2022. godine, i ugovor za javnu nabavku roba: "Vatrogasna oprema" za LOT 3. - Vatrogasne potisne cijevi i vatrogasne mlaznice, dodjeljuje se ponuđaču FINANC d.o.o., ul. Augusta Šenoje broj 16., 88000 Mostar, prema ponudi broj: 201/22 – FM od 20.01.2022.godine, za ponuđenu cijenu u iznosu od 26.000,00 KM (slovima: dvadesetšesthiljada KM) bez PDV-a, kao najpovoljnijem ponuđaču.

Član 2.

Izabrani ponuđač je dužan dostaviti original ili ovjerenu kopiju dokumenta iz člana 45. stav (1) tačka a) do d) Zakona o javnim nabavkama u roku od 5 (slovima: pet) dana, računajući od dana kada je obaviješten o izboru najpovoljnije ponude, ukoliko isti nisu dostavljeni uz ponudu.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (slovima: petnaest) dana, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka objavit će se na internet stranici Kantonalne uprave civilne zaštite Kantona Sarajevo (www.kucz.ks.gov.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. (6) Zakona o javnim nabavkama.

Član 5.

Za realizaciju ove Odluke zadužuju se Kantonalna uprava civilne zaštite Kantona Sarajevo i Ministarstvo finansija Kantona Sarajevo, da izvrši prijenos sredstava po naredbi Kantonalne uprave civilne zaštite Kantona Sarajevo, u skladu sa planom Budžeta Kantona Sarajevo.

Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke, broj: 06-11-1745/21 od 09.11.2021. godine, putem otvorenog postupka javne nabavke.

Procijenjena vrijednost javne nabavke, "Vatrogasna oprema" za LOT 3 - Vatrogasne potisne cijevi i vatrogasne mlaznice je 26.000,00 KM bez PDV-a.

Komisija za nabavku je imenovana Odlukom, broj: 06-11-1745-1/21 od 09.11.2021. godine.

Obavještenje o nabavci, broj: 282-1-1-52-3-26/21, objavljeno je dana 17.12.2021. godine na Portalu javnih nabavki, kao i tenderska dokumentacija.

Komisija za nabavku dostavila je dana 08.04.2022. godine direktoru Kantonalne uprave civilne zaštite Zapisnik o pregledu i ocjeni ponuda, Preporuku o izboru najpovoljnijeg ponuđača i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu primljenih ponuda, o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno sljedeće:

- Da su u predmetnom postupku zaprimljene 2 (dvije) ponude;
- Da su blagovremeno zaprimljene 2 (dvije) ponude;
- Da nije bilo neblagovremeno primljenih ponuda;
- Komisija u postupku javne nabavke, "Vatrogasna oprema" za LOT 3 - Vatrogasne potisne cijevi i vatrogasne mlaznice je utvrdila da ponuda ponuđača FINANC d.o.o. ispunjava sve zahtjeve u pogledu opisa predmeta nabavke i tehničkih specifikacija.
- Komisija je u predmetnom postupku javne nabavke utvrdila da ponuda ponuđača PASTOR M d.o.o ne ispunjava sve zahtjeve iz TD i kao takva je nekvalifikovana i odbacuje se iz predmetnog postupka javne nabavke, zbog sljedećeg:
 - ponuđač PASTOR M d.o.o. nije dostavio ponudu u skladu sa tačkom 3.3. - Tehnička i profesionalna sposobnost- čl. 48 i 49. ZJN za LOT 3. iz TD, odnosno u Aneksu VII – Tehnička specifikacija za LOT 3. kod navođenja standarda za Vatrogasnu potisnu cijev (Ø C 52/15 bez spojke) nisu navedeni svi traženi standardi, odnosno nije naveden standard DIN 14811/A3-2018-12 "ili ekvivalent". Nadalje, u Aneksu VII – Vatrogasna mlaznica je navedena mlaznica sa zglobom i mlaznica tip 3 i u katalogu je ponuđena mlaznica tip 3, ali bez zglobne spojke, što ne zadovoljava tražene zahtjeve navedene u tački 3.3. podtačke b) i c) TD za LOT 3., gdje je traženo da mlaznica ima zglobnu spojku i da je tipa 4;
 - Za vatrogasnu potisnu cijev (Ø D 25/15 sa spojkom) ponuđač PASTOR M d.o.o. nije dostavio katalošku dokumentaciju iz koje se jasno vidi da vatrogasna potisna cijev (Ø D

25/15 sa spojkom) zadovoljava zahtjevane tehničke karakteristike, koje su navedene u tehničkim specifikacijama u Aneksu VII ove TD;

- ponuđač PASTOR M d.o.o. nije dostavio traženi certifikat za vatrogasnu potisnu cijev (\emptyset C 52/15 bez spojke), odnosno nije dostavio certifikat za standard DIN 14811/A3-2018-12, te nije dostavio traženi certifikat za vatrogasnu mlaznicu, odnosno nije dostavio certifikat BAS EN 15182-2:2020 tip 4 (identičan EN 15182-2:2019 tip 4) "ili ekvivalent";
- što se tiče potvrde o uredno izvršenim ugovorima: najmanje 1 (jedan) ugovor, a koji se odnosi na isporuku vatrogasnih sprava i opreme, ukupne vrijednosti izvršenog/ih ugovora u visini najmanje 25.000,00 KM bez PDV-a, u posljednje 3 (tri) godine ili od datuma registracije, ponuđač PASTOR M d.o.o. je dostavio iste, ali nije na način kako je propisano tačkom 3.3. TD podtačka a) za LOT 3. Naime, Potvrde, izdate od strane Gradonačelnika grada Živinice i od strane Službe civilne zaštite Općine Tešanj ne sadrže podatak o mjestu izvršenja ugovora, na način kako je traženo tačkom 3.3. podtačka a) TD za LOT 3.

U postupku ocjene provedenog postupka predmetne nabavke, rukovodilac ugovornog organa nije našao razloge nepravilnosti niti propuste u radu, koje bi eventualno bile osnov za neprihvatanje preporuke Komisije za nabavku.

Naime, u postupku je ocijenjeno da je Komisija za nabavku u svemu pravilno postupila, te da je preporuka o izboru najpovoljnijeg ponuđača u postupku javne nabavke data u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom člana 64. stav 1. tačka b), člana 70 st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupiti po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektoru za ekonomske poslove KUCZ KS
- Ministarstvo finansija Kantona Sarajevo
- a/a



